



Broj: 04-1015-2/17
Datum: 12.06.2017.godine

Na osnovu člana 44. stava 1. tačke 5 Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 33/04, 19/07 i 25/08), i člana 26 stava 1 alineja a) Statuta Zavoda za zapošljavanje Brčko distrikta BiH –prečišćen tekst (br.04-469-2/09, 04-2103/11, 04-3700/15, 04-139/16, 04-1026/16 i 04-1810/16) i Pravilnika o mjerama za podsticaj zapošljavanja (br.04-2773/13,04-3258/14,04-5026/14, 04-1409/16), Upravni odbor Zavoda za zapošljavanje Brčko distrikta BiH (u daljnjem tekstu: "Upravni odbor") 09.06.2017. godine, je donio Odluku broj: 04-1015/17, da se objavi

JAVNI POZIV

poslodavcima za zapošljavanje nezaposlenih lica iz kategorije teže zapošljivih (lica starije životne dobi, lica sa invaliditetom, mladi do 35 godina starosti) sa aktivne evidencije Zavoda za zapošljavanje Brčko distrikta BiH za 2017. godinu

Cilj ovog Javnog poziva je stvaranje uslova za odlazak u penziju lica starije životne dobi, dugoročnost u zapošljavanju lica starije životne dobi, povećanje socijalne uključenosti i zapošljavanja lica sa invaliditetom, smanjenje odliva nezaposlenih mladih osoba usljed odlaska u inostranstvo, podrškom zapošljavanja kroz sufinansiranje bruto plate/a.

I. **Finansijska sredstva** za realizaciju obezbjeđuje Zavod za zapošljavanje Brčko distrikta BiH (u daljnjem tekstu: Zavod) u iznosu od 861.219,60 KM, za sufinansiranje, kako slijedi:

Zapošljavanje lica starije životne dobi

- VSS-VŠS (5 lica x 24 mjeseca x 502,00 KM bruto 60.240,00 KM)
- SSS-NK (15 lica x 24 mjeseca x 313,14 KM bruto 112.730,40 KM)
- Ukupan broj lica: 20 - Ukupan iznos sredstava: 172.970,40 KM

Zapošljavanje lica sa invaliditetom (lica sa, minimalno, 60 % invaliditeta)

- VSS-VŠS (3 lica x 24 mjeseca x 803,20 KM bruto 57.830,40 KM)
- SSS-NK (7 lica x 24 mjeseca x 501,02 KM bruto 84.171,36 KM)
- Ukupan broj lica: 10 Ukupan iznos sredstava: 142.001,76 KM

Zapošljavanje mladih do 35 godina starosti

- VSS-VŠS (23 lica x 24 mjeseca x 395,97 KM bruto 218.575,44 KM)
- SSS-NK (60 lica x 24 mjeseca x 227,55 KM bruto 327.672,00 KM)
- Ukupan broj lica: 83 Ukupan iznos sredstava: 546.247,44 KM

Sredstva za zapošljavanje lica starije životne dobi

- Sredstva u iznosu od 60.240,00 KM su namijenjena poslodavcima čije se prijave odnose na zapošljavanje 5 lica starije životne dobi sa VSS,VŠS (VSS,VŠS - 5 radnika x24 mjeseca x 502,00 KM (učešće Zavoda) - bruto plata po zaposlenom iznosi 1004,00KM);
- Sredstva u iznosu od 112.730,40 KM su namijenjena poslodavcima čije se prijave odnose na zapošljavanje 15 nezaposlenih lica sa SSS, VKV, KV i NK (SSS, VKV, KV i NK - 15 radnika x 24 mjeseca x 313,14 KM (učešće Zavoda) - bruto plata po zaposlenom iznosi 626,28).



Sredstva za zapošljavanja lica sa invaliditetom

- Sredstva u iznosu od 57.830,40 KM su namijenjena poslodavcima čije se prijave odnose na zapošljavanje 3 lica sa invaliditetom sa VSS, VŠS (VSS, VŠS - 3 radnika x 24 mjeseca x 803,20 KM (učešće Zavoda) - bruto plata po zaposlenom iznosi 1004,00KM);
- Sredstva u iznosu od 84.171,36 KM su namijenjena poslodavcima čije se prijave odnose na zapošljavanje 7 lica sa invaliditetom sa SSS, VKV, KV i NK (SSS, VKV, KV i NK - 7 radnika x 24 mjeseca x 501,02 KM (učešće Zavoda) - bruto plata po zaposlenom iznosi 626,28).

Sredstva za zapošljavanja mladih do 35 godina starosti

- Sredstva u iznosu od 218.575,44 KM su namijenjena poslodavcima čije se prijave odnose na zapošljavanje 23. mladih do 35 godina sa VSS, VŠS (VSS, VŠS - 23 radnika x 24 mjeseca x 395,97 KM (učešće Zavoda) - bruto plata po zaposlenom iznosi 1004,00KM);
- Sredstva u iznosu od 327.672,00 KM su namijenjena poslodavcima čije se prijave odnose na zapošljavanje 60. mladih do 35 godina sa SSS, VKV, KV i NK (SSS, VKV, KV i NK - 60 radnika x 24 mjeseca x 227,55 KM (učešće Zavoda) - bruto plata po zaposlenom iznosi 626,28 KM).

Ukoliko sredstva za zapošljavanje lica iz navedenih ciljnih grupa ne budu u cijelosti utrošena zbog nedovoljnog broja prijava na istim, mogu biti preusmjerena na zapošljavanje lica iz ciljnih grupa gdje je veće interesovanja poslovnih subjekata.

Korisnici po ovom programu su poslovni subjekti koji imaju registrovanu poslovnu djelatnost na teritoriji Brčko distrikta Bosne i Hercegovine i redovno izmiruju obaveze po osnovu obaveznih poreza i doprinosa.

Za zapošljavanje **20 lica starije životne dobi** predviđena su sredstva Zavoda, kako slijedi:

- za 5 lica sa VSS, VŠS - žene životne dobi 45 godina ili više, muškarci životne dobi 50 godina ili više, (502,00 KM x 24 mjeseci) planiran je iznos od 12.048,00 KM po zaposlenom radniku;
- za 15 lica sa SSS, VKV, KV i NK - žene životne dobi 45 godina ili više, muškarci životne dobi 50 godina ili više, (313,14 KM x 24 mjeseci) planiran je iznos od 7.515,36 KM po zaposlenom radniku;

Za zapošljavanje **10 lica sa invaliditetom** predviđena su sredstva Zavoda, kako slijedi:

- za 3 lica sa VSS, VŠS (803,20 KM x 24 mjeseca) planiran je iznos od 19.276,80 KM po zaposlenom radniku;
- za 7 lica sa SSS, VKV, KV i NK (501,02 KM x 24 mjeseca) planirana su sredstva u iznosu od 12.024,48 KM po zaposlenom radniku.

Za zapošljavanje **83. mladih do 35 godina starosti** predviđena su sredstva Zavoda, kako slijedi:

- za 23 lica sa VSS, VŠS (395,97 KM x 24 mjeseca) planiran je iznos od 9.503,28 KM po zaposlenom radniku;
- za 60 lica sa SSS, VKV, KV i NK (227,55 KM x 24 mjeseca) planirana su sredstva u iznosu od 5.461,20 KM po zaposlenom radniku.

Poslodavcima se, po ovom Javnom pozivu, po gore navedenim programima, može odobriti finansiranje zapošljavanja maksimalno (ukupno) 3 lica sa aktivne evidencije nezaposlenih, gdje taj broj ne prelazi 50% ukupnog broja zaposlenih lica na neodređeno vrijeme tog poslovnog subjekta na dan objavljivanja javnog poziva, izuzev poslovnih subjekata registrovanih u 2017. godini koji mogu koristiti podsticajna sredstva po ovom programu za zapošljavanje najviše do 1 lica sa aktivne evidencije nezaposlenih.

Poslodavac je obavezan, lice čije se zapošljavanje sufinansira, zadržati u radnom odnosu minimalno 24 mjeseca.



II. Lica koja mogu biti zaposlena po ovom javnom pozivu su lica koja su prijavljena na aktivnoj evidenciji nezaposlenih lica Zavoda za zapošljavanje Brčko distrikta BiH prije objave javnog poziva. Ista treba da imaju prijavljeno prebivalište u Brčko distriktu BiH ne kraće od tri mjeseca prije objavljivanja javnog poziva.

Nezaposlena lica sa aktivne evidencije Zavoda, za koja poslodavci apliciraju po programu zapošljavanja lica sa invaliditetom, obavezna su posjedovati dokaz nadležne ustanove o invalidnosti koji poslodavac dostavlja Zavodu.

U obzir će se uzimati, samo, aplikacije za zapošljavanje lica koja posjeduju dokaz iz kojeg je vidljivo da je lice okvalifikovano kao invalid sa 60 % invalidnosti ili više.

U slučaju da je invaliditet lica izražen u stepenu, a ne u procentu invalidnosti, lice je obavezno dostaviti uvjerenje koje je konvertovano, iz stepena u procenat invalidnosti, od strane nadležne ustanove.

Ukoliko je stepen/procenat invalidnosti bio predmetom revizije, dostavlja se kopija posljednjeg važećeg dokaza o invalidnosti lica.

Finansirana će biti i lica koja su radni odnos zasnovala u tekućoj, 2017. godini, s tim da su prije zasnivanja radnog odnosa u 2017. godini bila prijavljena na aktivnoj evidenciji nezaposlenih lica Zavoda za zapošljavanje Brčko distrikta BiH prije zapošljavanja, te da imaju prijavljeno prebivalište u Brčko distriktu BiH ne kraće od tri mjeseca prije objavljivanja javnog poziva.

Programom će se dati prioritet poslodavcima koji:

- su koristili sredstva za zapošljavanje pripravnika po prethodnim javnim pozivima, a iste su zadržali u radnom odnosu (da rade i sada u tim firmama), što dokazuju validnom dokumentacijom ;
- su koristili sredstva za zapošljavanje po prethodnim programima aktivne politike zapošljavanja i po završetku obaveza iz programa su lica zadržali u radnom odnosu (da rade i sada u tim firmama), što dokazuju validnom dokumentacijom;
- koji imaju veći broj zaposlenih radnika u radnom odnosu na neodređeno vrijeme.

III. Komisija neće vršiti obradu i ocjenu programa poslodavca za korištenje sredstava za podsticaj zapošljavanja, po ovom Javnom pozivu, i predložiće odbacivanje istog, u sljedećim slučajevima :

- a) koji ne ispunjavaju uslove iz Zakona o zapošljavanju i pravima za vrijeme nezaposlenosti, Pravilnika o mjerama za podsticaj zapošljavanja i ovog javnog poziva;
- b) kod kojih nadležni organ uprave u tekućoj godini utvrdi i Zavodu dostavi akt da je kod poslodavca utvrđen rad lica bez ugovora o radu ili ga poslodavac nije prijavio na PIO/MIO i zdravstveno osiguranje;
- c) kod kojih nadležni organ uprave u tekućoj godini utvrdi da lice obavlja samostalnu djelatnost koja nije registrovana u skladu sa zakonom;
- d) koji ne dostave potpunu prijavu;
- e) kod kojih, broj zaposlenih na neodređeno vrijeme u mjesecu koji prethodi mjesecu objavljivanja javnog poziva, nije manji od broja zaposlenih na neodređeno vrijeme na dan 31.12.2016.godine, izuzev u slučaju smrti i penzionisanja radnika, kao i u slučaju svojevrijemnog prestanka radnog odnosa, ali pod uslovom da umjesto tog radnika do momenta zaključivanja javnog poziva, primi drugog radnika u radni odnos na neodređeno vrijeme ;
- f) registrovani u skladu sa Zakonom o udruženjima građana i fondacijama Brčko distrikta BiH i Zakonom o mjesnim zajednicama u Brčko distriktu BiH. Izuzetno od ovog stava, sredstva namijenjena za zapošljavanje invalidnih lica mogu se dodijeliti i udruženjima građana, pod uslovom da udruženje ima najmanje jedno lice zaposleno na neodređeno vrijeme;
- g) ukoliko je aplikant javna ustanova;



- h) ukoliko je aplikant javno preduzeće;
- i) ukoliko je aplikant organ uprave ili drugi budžetski korisnik;
- j) ukoliko je aplikant visokoškolska ustanova;

IV. Poslodavci čiji Programi budu podržani dužni su dostaviti, u ostavljenom roku, sljedeću dokumentaciju:

1. kopiju rješenja o osnivanju pravnog lica ili preduzetnika;
2. kopiju rešenja o registraciji poreznog obveznika u Poreznoj upravi Brčko distrikta BiH (JIB);
3. kopiju obavještenja o razvrstavanju poslovnog i drugog subjekta prema djelatnosti izdatog od Agencije za statistiku, Ekspozitura Brčko, sa naznačenom pretežnom djelatnošću;
4. kopiju kartona deponovanih potpisa ovlaštenih osoba u poslovnoj banci na koji će sredstva biti uplaćivana;
5. uvjerenje o izmirenim obavezama sa stanjem mjeseca koji prethodi mjesecu objave javnog poziva, po osnovu direktnih poreza i doprinosa za PIO/MIO, za slučaj nezaposlenosti i zdravstveno osiguranje, original ili ovjerenu kopiju;
6. potpisanu i ovjerenu izjavu, od strane firme koja aplicira, da nema prijavljenih radnika na drugom PIO/MIO;
7. obrazac MIP (mjesečni izvještaj o platama) za decembar 2016. godine i za mjesec koji prethodi mjesecu objave javnog poziva kojim se dokazuje da broj zaposlenih na neodređeno vrijeme na dan objavljivanja javnog poziva nije manji od broja zaposlenih na neodređeno vrijeme na dan 31.12.2016.godine
8. spisak lica koje poslodavac namjerava zaposliti ili je zaposlio u tekućoj 2017. godini, sa aktivne evidencije Zavoda za zapošljavanje Brčko distrikta BiH (unosi se i u Prijavu za učešće na javnom pozivu);
9. ovjerenu izjavu poslodavca da će lice čije se zapošljavanje finansira zadržati u radnom odnosu minimalno 24 mjeseca;
10. ovjerenu izjavu da, po ovom programu, neće zaposliti lice koje je otpustio u posljednja 24 mjeseca do momenta objavljivanja javnog poziva;
11. ukoliko su koristili sredstva za zapošljavanje pripravnika po prethodnim javnim pozivima, a iste su zadržali u radnom odnosu (da rade i sada u tim firmama), (dostaviti kopije MIP-a za mjesec godine u kojoj je zaposlen pripravnik , fotokopiju radne knjižice pripravnika koji je zadržan u radnom odnosu, ugovor o obavljanju pripravničkog staža;
12. ukoliko su koristili sredstva za zapošljavanje po prethodnim programima aktivne politike zapošljavanja i po završetku obaveza iz programa su lica zadržali u radnom odnosu (da rade i sada u tim firmama), (dostaviti kopije MIP-a za mjesec godine u kojoj je zaposleno lice po programu, fotokopiju radne knjižice lica koje je zadržano u radnom odnosu, ugovor o radu lica koje je zadržano u radnom odnosu)
13. kopiju posljednjeg važećeg dokaza o invalidnosti lica koje će zaposliti ili je zaposlio;
14. potvrdu ili listing o radnom stažu iz PIO/MIO lica koje želi zaposliti ili je zaposlio;
15. druga dokumentacija za koju Komisija ocijeni da može biti od značaja prilikom rješavanja prijave.

V. Bodovanje i rangiranje zahtjeva poslodavaca-aplikanata vršiće Komisija za obradu i ocjenu programa zapošljavanja za 2017. godinu (u daljem tekstu: Komisija) koja će u skladu sa objavljenim kriterijumima izvršiti rangiranje nakon provjere dostavljene dokumentacije.

Komisiju, koju imenuje Direktor Zavoda, sastoji se od pet članova, od kojih su dva člana ispred Zavoda, po jedan predstavnik Odjeljenja za privredni razvoj, sport i kulturu Vlade BD, Sindikata BD i jedan član Udruženja poslodavaca BD.

- a. Nepotpune i neblagovremene prijave neće biti uzete u obzir prilikom rangiranja.





- b. Prema osnovnim kriterijima za vrednovanje prijava, vrši se provjera podataka za lica- na osnovu službene evidencije Zavoda i Odjeljenja za javni registar Brčko distrikta BiH i za poslodavce- na osnovu podataka koje je Zavod dobio od Inspektorata Brčko distrikta BiH u 2017. godini, i sačinjava se preliminarna rang lista.

Ocjena programa zapošljavanja vrši se dodjeljivanjem bodova, a na osnovu sljedećih kriterija:

- a) Pretežna djelatnost poslodavca:
- proizvodna djelatnost – 100 bodova (osnovni broj bodova)
 - ostale djelatnosti – 80 bodova (osnovni broj bodova)
- b) Poslodavcima koji su koristili sredstva za zapošljavanje po prethodnim programima aktivne politike zapošljavanja i zapošljavana pripravnika, koje je provodio Zavod, a po završetku obaveza iz programa su lica zadržali u radnom odnosu (da rade i sada u tim firmama) vrednuje se sa 5 bodova, za svako lice
- c) Poslodavcima se dodjeljuje određen broj bodova zavisno od broj zaposlenih radnika na neodređeno vrijeme, vrednuje se 1 bodom, za svako lice
- d) Poslodavcima koji zapošljavaju ili su zaposlili lice starije životne dobi koje ima 10 ili više godina radnog staža, priznatog od nadležnih fondova PIO/MIO, vrednuje se sa 10 bodova, za svako lice.
- e) ukoliko je poslodavac tokom fiskalne 2017.-e godine otpustio radnika koji je ostvario pravo na novčanu naknadu za vrijeme nezaposlenosti, u Zavodu , od ukupnog broja bodova, odbija se, za svako lice koje je koristilo/ koristi novčanu naknadu, 10 bodova

Nakon ocjena programa zapošljavanja Komisija sačinjava preliminarnu rang listu poslodavaca sa utvrđenim brojem lica koja će biti zaposlena i iznosom sredstava koja će poslodavcima biti mjesečno refundirana prema broju ostvarenih bodova, / jednokratno isplaćena, s napomenom, da ukoliko više rangiranih lica ima isti broj bodova prioritet se daje proizvodnim firmama i na kraju licima s aktivne evidencije Zavoda, saglasno dužini čekanja uzimajući u obzir datum posljednje prijave u tom stepenu stručne spreme.

Ukoliko poslodavci sa rang liste ne dostave traženu dokumentaciju u ostavljenom roku, ukoliko dokumentacija ne odgovara datoj izjavi, ukoliko je nepotpuna dokumentacija, ukoliko poslodavci odustanu od podnesenog zahtjeva ili traženog lica i sl., a kojima se odobravaju sredstva podsticaja do iznosa utvrđenog Javnim pozivom i Odlukom direktora Zavoda za zapošljavanje Brčko distrikta BiH , sredstva će biti dodijeljena sljedeće rangiranim poslodavcima.

VI. Nakon što direktor Zavoda potvrdi rang listu poslodavaca, predloženu od strane Komisije, sa istim se vrši potpisivanje ugovora o korištenju sredstava po Javnom pozivu za zapošljavanje lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2017. godinu.

- (1) Nakon potpisivanja ugovora, Zavod isplaćuje ugovoreni iznos korisniku sredstava mjesečno, u 24 jednake rate, po dostavljanju dokumentacije, ili u jednokratnom iznosu pod uslovom da je korisnik sredstava dostavio bankarsku garanciju koja glasi na ukupan iznos sredstava podsticaja, na period od, minimalno, 24 mjeseca (ugovorom će biti preciziran rok na koji garancija treba biti izdata).
- (2) Dokumentacija koju je poslodavac dužan mjesečno dostavljati Zavodu radi sačinjavanja Izvještaja o ispunjavanju uslova za isplatu i Izvještaja o poštovanju ugovornih obaveza je:
- a) potpisane i ovjerene platne liste za plate lica čije se zapošljavanje finansira,



- b) uplatnice za pojedinačne isplate plata (za sufinansirana lica) u slučaju zbirne uplate plata, kopije izvoda banke iz kojih je vidljiva isplata pojedinačnih neto plata , poreza i doprinosa za sva zaposlena lica,
- c) mjesečni izvještaj o isplaćenim platama (obrazac MIP 1023 i obrazac 2002),
- d) pregled prisustva/odsustva sa posla.

VII. Poslodavac, u periodu ugovornog odnosa, mora zadržati broj radnika na neodređeno vrijeme koje je imao u mjesecu koji prethodi mjesecu objave javnog poziva uvećan za broj lica čije se zapošljavanje sufinansira po ovom Javnom pozivu, izuzev u slučaju smanjenja ukupnog broja radnika po osnovu smrti ili penzionisanja radnika.

(1) Zavod kontinuirano prati realizaciju ugovornih obaveza poslodavca na sljedeći način:

- a) provjerom dokumentacije koju poslodavac mjesečno dostavlja radi pravljanja odobrenih sredstava,
- b) kontrolom provođenja ugovornih obaveza neposredno kod poslodavca, ukoliko se za to ukaže potreba.

(2) U slučaju raskida ugovora o radu sa sufinansiranim licem, poslodavac je dužan odmah o tome obavijestiti Zavod i u roku od 30 dana zaključiti ugovor o radu sa licem koja ispunjava uslove za zamjenu na preostali period ugovorne obaveze.

(3) Ukoliko se utvrdi da poslodavac ne ispunjava ugovorne obaveze pokreće se postupak raskida ugovora, u skladu sa Pravilnikom o mjerama podsticaja za zapošljavanje i Ugovorom zaključenim između Zavoda i Korisnika sredstava .

VIII. Javni poziv će biti objavljen u sredstvima javnog informisanja, na oglasnoj ploči Zavoda i web stranici Zavoda www.zzzbrcko.org

Sastavni dio Javnog poziva je Prijava za učešće na Javni pozivu poslodavcima za zapošljavanje lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2017. godinu, i izjave.

Poziv ostaje otvoren od 12.06.2017.godine, do 27.06.2017. godine. U navedenom terminu poslodavci su dužni dostaviti, uredno popunjenu Prijavu, Izjave, Obavještenje o razvrstavanju poslovnog i drugog subjekta prema djelatnosti i ugovor o radu, prijavu na PIO/MIO i zdravstveno osiguranje ukoliko je lice već prijavljeno u 2017.godini.

Na osnovu Prijave i izjava, Komisija za obradu i ocjenu programa zapošljavanja će sačiniti preliminarnu rang listu koju će usvojiti direktora Zavoda i kao takva će biti objavljena na web stranici www.zzzbrcko.org i oglasnoj tabli Zavoda.

Žalbe na objavljenu Rang listu se mogu uložiti u pisanoj formi u roku od osam dana od dana objavljivanja, Upravnom odboru Zavoda, sa naznakom „ Žalba na Rang listu po Javnom pozivu za zapošljavanje lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH 2017.godinu „ u Zavodu za zapošljavanje Brčko distrikta BiH, „ Marka Marulića „ 1.

Potrebnu dokumentaciju navedenu u Prijavi i izjavi, poslodavci su dužni dostaviti Zavodu za zapošljavanje Brčko distrikta BiH, u roku od deset dana od dana objavljivanja rang liste.

IX. Obrazac Prijave za učešće na Javnom pozivu poslodavcima za zapošljavanje lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH u 2017. godini i izjave možete preuzeti u Zavodu za zapošljavanje Brčko distrikta BiH ili na web stranici www.zzzbrcko.org.

X. Prijave na javni poziv zapošljavanje lica iz kategorije teže zapošljivih sa aktivne evidencije Zavoda Brčko distriktu BiH za 2017. godinu dostaviti putem protokola Zavoda za zapošljavanje Brčko distrikta BiH.

Predsjednik Upravnog odbora

/Ljubomir Maratović dipl.politikolog/